



# Jafnréttisstofa

Alþingi  
Allsherjanefnd  
150 Reykjavík.

Akureyri 3. febrúar 2006.

**Efni: Umsögn Jafnréttisstofu um frumvarp til breytingar á almennum hegningalögum 365. mál, heimilisofbeldi.**

Með bréfi dags. 12. desember 2005 óskaði nefndin eftir umsögn Jafnréttisstofu um frumvarpið. Hér með er beðist velvirðingar á að umsögnin barst ekki fyrr. Eftirfarandi er umsögn stofnunarinnar:

Mikilvægt er að hafa það í huga að lög eru ekki eingöngu tæki til notkunar í réttarsölum, heldur endurspeglar þau einnig siðferði hvers samfélags og ríkjandi valdahlutföll innan þess. Nauðsynlegt er því að löggjöfin sé skýr og ekki sé um brotalamir í réttarkerfinu að þessu leyti að ræða. Hingað til hefur löggjöfin ekki tryggt nægilega stöðu þolenda í heimilisofbeldismálum. Heimilið á að vera gríðastaður fjölskyldunnar þar sem ríkir trúnaður og traust, en ekki staður þar sem á sér stað ofbeldi sem er hulið og falið almenningi. Réttarkerfið má ekki stuðla að því að fela slíkt athæfi sem þar fer fram. Heimilisofbeldi er því oft á tíðum mun alvarlegra en ofbeldismál á milli óskyldra og hefur enn alvarlegri afleiðingar í för með sér fyrir þá sem fyrir því verða. Þá er nauðsynlegt að benda á að flest brot sem framin eru innan veggja heimilisins eru kynbundin í eðli sínu. Þetta sjónarhorn skilar sér ekki nægjanlega í þeim breytingum sem hér eru lagðar til.

Jafnréttisstofa fagnar réttarbótum á þessu sviði, en telur að þörf sé á því að gera heildstæðar breytingar á lögum um heimilisofbeldi og stöðu þolenda kynferðisofbeldis í réttarkerfinu. Mikilvægt er að vinnuhópur sem kæmi að undirbúningi slíks frumvarps sé þverfaglegur svo að sátt náist meðal þeirra aðila sem vinna með þolendum kynbundins ofbeldis og þeirra sem þurfa að framfylgja lögnum. Óvíst er að þetta lagafrumvarp nái þeim tilgangi.

Virðingarfyllt

Margrét María Sigurðardóttir, framkvæmdastjóri